



Scientia Sanctorum

Collecta Ex Meditationibus Ludovici De Ponte, Joannis Busaei, Joan. Suffren, Juliani Hayneufve, Et Antonii Gaudier, &c. E Societate Jesu, In Dominicis, Festa & ferias totius Anni digesta. Cum Indicibus duobus. I. In singulos dies. II. Ad Exercitia Spiritualia

Puente, Luis de la

Dilingæ, 1685

19. De opere primæ diei.

[urn:nbn:de:hbz:466:1-60588](https://nbn-resolving.org/urn:nbn:de:hbz:466:1-60588)

ratem impertiens. Significabatur etiam sanctificatio aquarum ad regenerandos in Christo homines, quam postea Spiritus sanctus operaturus erat. Et quod idem Spiritus peccatoribus, gratia vacuis & in obscuro positus, se communicat, ut ad meliorem statum revocet: *Ferebatur*, inquit, quo significatur irrequieta cura providentiæ circa nos, & ferebatur quasi confovens aquas ad gignendum; sicut gallina sub alis pullos, ut succrescant & solidentur.

MEDITATIO XIX.

De opere prima diei.

Dixit Deus: fiat lux: & facta est lux: & Gen. 1. 3.
vidit, quod esset bona: & divisit lucem à tenebris, appellavitque lucem, diem, & tenebras, noctem.

PUNCTUM PRIMUM.

Opus fuit luce in mundo, qui licet omnem aliam accepisset perfectionem, sine luce inutilis fuisset: nam ejus pulchritudo non fuisset homini perspecta, nec homo ipse suis functionibus, ad vitam necessarijs commodè uti posset. Lux exhilarat omnia, præcipuè hominem, unde Tobias dicebat, *Quale gaudium mihi erit, qui in tenebris sedeo, & lumen cæli non video?* Per lucem quoque in mundo inferiori

I.
Lux corporalis.

Tob. 5. 12.

ri gignuntur, & foventur omnia. Ergo gratias Deo agam pro hoc dono, & bene illo utar, ad cognoscendum Deum ex omnibus operibus suis. Contra detestabor eos qui abutuntur ad peccandum, vel, *Qui oderunt lucem, ut malefaciant, & ne arguantur opera eorum.*

Ioan. 3.
20.

II.
Lux spi-
ritualis.

Pf. 4. 7.

Est & lux spiritualis, quâ pellantur ex anima tenebræ peccati & ignorantia, quâ Deum ipsum cognoscimus, & agenda à nobis. *Signatum est super nos lumen vultus tui, Domine, dedisti lætitiā in corde meo.* Per hanc gignuntur foventurque virtutes. O Pater luminum, gratias tibi ago pro hac potissimum luce: ô fons luminis,

Pf. 17. 29

Prov. 4.
18.

Illumina tenebras meas. Fiat in me sicut lux splendens, quæ procedit, & crescit, usque ad perfectam diem.

PUNCTUM II.

I.
Tria in
luce per-
penden-
da.

Pf. 126.
3.
Sap. 16.
28.

Prima die lux facta est: quia nec dies fuisset sine luce: ac proinde principium dierum à creatione lucis esse debuit. Potuisset tamen creati post alium mundi ornatum: sed voluit in luce creare cætera: nam & in spiritualibus lux præcedit omnem actionem: *Vanum est verbis ante lucem surgere: ô Domine, præveni me luce tua, quo te agnoscam & amem. Præveniam & ego solem benedictionem tuam, & ad ortum solis te adorabo:* nam ita faciendum monet Sapiens exemplo Israëuitarum, qui manna ante ortum solis colligere debebant.

Nihil

Pf. 7.

13.

Sapie-
tiæ di-

nz in

venta

I

Heb. 1

3.

II.

Gen. 1

Gen. 2

1. Reg.

3.

III.

IV.

Nihil præter lucem prima die creavit : quam obire circum totum mundum voluit diemque efficere. Sat operis pro una die existimans, diem constituisse. Docemur & nos magnificare lucem spiritualementem : & bene diem esse collocatum, quo in luce profecerimus. Quod studium constanter adhibendum usque ad extremam vitæ periodum, quasi ad summum diei. O Sapientia, quæ fecisti in cælis, ut oriatur lumen in-
deficiens : oriatur, obsecro, in me etiam, ut nunquam occidat : ô *Lucifer, qui nescis occasum*, tu mihi nunquam occidas. H. Eccles. 24. 5.

Dixit, fiat lux. Dixit Pater per Verbum suum qui est ejus Filius. *Vidit* Filius, qui est sapientia : quod esset bona : & Spiritus sanctus qui est amor, complacuit in ea. Tota Trinitas unus Deus, jussit fieri, & facta est : vidit, & in opere complacuit. O Domine, dic quoque, ut in anima mea fiat lux. III.

PUNCTUM III.

D*ivisit lucem à tenebris* : voluit vicissitudinem esse, ut die operarentur homines, & animalia, noctu quiescerent in hoc etiam gerens curam nostri : quare *Benedicite lux & tenebrae Domino, benedicite nox & dies Domino.* Divisi-
lucis à
tenebris
Dan. 3.
71.

Sed & spiritualiter idem contingit : inprimis Deus & serena illa lux, de qua Joannes, *& tenebrae in eo non sunt ulla.* Et qui illam vident Sancti, semper in luce sunt, absque vicissitudine tenebrarum. *Nox enim non erit illic,* ait Joannes. 1.
1. Ioan.
1. 5.
Apoc.
21. 25.

nes, At in terra alij ambulant sicut in die filij lucis, alij in nocte, quin idem homo nunc lucis, nunc tenebrarum filius est. Dividet autem De-

2. Cor. 6. 14. us inter utrosque: nam, *Quae societas luci ad tenebras?* cum ad judicandum venerit? O pertinaciam ad lucem, & ad hanc diem!

2. Præterea in ipsis justis datur divisio lucis & noctis; quin in uno atque eodem, dum modo adversa, modo prospera accidunt, & consolationum ac desolationum vices alternant: feram utramque sortem cum gaudio de manu Dei.

3. Ipse, *Qui dixit de tenebris lucem splendescere, luceat in cordibus nostris ad illuminationem scientia claritatis Dei, in facie Christi Jesu, claritatis, inquam, qualis relucet in facie Christi.*

11. 5. 20. *Vae qui dicitis malum bonum, & bonum malum, ponentes tenebras lucem, & lucem tenebras.* Non sic ego, sed quod Deus lucem dixit, mihi erit lux; similiter de tenebris.

MEDITATIO XX.

De opere secunda diei.

Gen. 1. 6. **D**ixit Deus: *Fiat firmamentum in medio aquarum, & dividat aquas ab aquis, & factum est ita: vocavitque Deus firmamentum Cælum, & factus est manè & vespere dies secundus.*

PUN-

Pf. 70

13.

Sapie

tiæ di

nz in

venta

I

Heb. 1

3.

II.

Gen. 1

Gen. 2

I. Reg

3.

III.

IV.